



Obavještenje o održavanju „Zimskog kampa za nadarene matematičare 2026“

Udruženje matematičara Kantona Sarajevo (UM KS) u saradnji sa institucijama Richmond Park Schools (RPS) i Prirodno-matematičkim fakultetom u Sarajevu organizuje „Zimski kamp za nadarene matematičare 2026“.

1. Kamp će se održati **od 15.1.2026. do 20.1.2026. godine**.
2. Održavanje kampa je u kombinovanom modelu, tj. svaki učenik zasebno bira da li želi kamp pratiti uživo ili online. Za učenike koji kamp prate uživo, aktivnosti će se odvijati u institucijama Richmond Park Schools u Sarajevu (Francuske revolucije bb), dok će učenici koji kamp prate online sve moći pratiti putem platforme Microsoft Teams. Satnica aktivnosti i raspored predavanja su oglašeni na web (umks.pmf.unsa.ba) stranici Udruženja.
3. Učenici će biti raspoređeni u pet grupa: *Početna, Srednja, Napredna, Predolimpijska i Olimpijska*. Više informacija o grupama se nalazi na web stranici Udruženja.
4. **Prijave za kamp su otvorene do 11.1.2026. godine do 23:59.** Prijave se vrše putem linka koji se nalazi na web stranici Udruženja. **Broj mjesta je ograničen**, te će učenici nakon prijave dobiti informaciju da li su primljeni. Učenici koji pohađaju Školu matematike za nadarene učenike (neku od grupa B, Srednja, Napredna, Predolimpijska i Olimpijska) su automatski primljeni (mada je i dalje obavezno da izvrše prijavu).
5. Svi učenici (dakle, i oni koji prate uživo) treba da prate platformu Microsoft Teams, s obzirom da će na njoj dobijati osnovne informacije, rezultate testova, zadatke koje trebaju probati prije samih predavanja, kao i zadatke za samostalan rad (nakon kampa).
6. Osim redovnih predavanja, učenicima će biti organizovani testovi (simulacije takmičenja), predavanja istaknutih stručnjaka iz nauke i prakse, kao i izlet na Bjelašnicu.
7. Svi učesnici kampa će dobiti certifikate za učešće, a najuspješniji na testovima će dobiti i posebna priznanja, kao i popust za naredni kamp (1. mjesto u svakoj grupi će imati besplatan naredni kamp, dok će 2. i 3. mjesto plaćati 50% cijene kampa).
8. Predavanja će držati bivši i sadašnji uspješni olimpijci, osvajači mnogobrojnih medalja na međunarodnim takmičenjima: Admir Beširević, Adisa Bolić, Amar Kurić, Harun Hindija, Andrej Krčmar, Adi Hujić, Sandro Paradžik, Ahmed Spahić, Emin Mulaimović i Emanuel Bajamić.
9. Za učenike koji žele, osiguran je smještaj u prostorijama internata Richmond Park Schools. **Broj mjesta u internatu je ograničen, tako da postoji mogućnost da u internat ne budu primljeni svi zainteresovani učenici.** Više informacija o smještaju možete saznati u nastavku dokumenta i tokom prijave.
10. Svi učesnici kampa obavezni su uplatiti:
 - 100 KM na žiro račun Udruženja: 1610000156600012 kod Raiffeisen banke dd Sarajevo sa naznakom „Za zimski kamp 2026“. U cijenu su uračunata predavanja (22 časa), snimci predavanja koji će ostati učenicima, organizacija i pregledanje testova (4 testa), predavanje istaknutih stručnjaka iz nauke i prakse, omogućen pristup zadacima za samostalni rad, kao i organizacija izleta.
11. Pored toga, u zavisnosti od načina učešća na kampu, učesnici su obavezni uplatiti odgovarajući iznos novca na račun PU dom učenika i studenata „Globe“:
 - a. Učenici koji će biti smješteni u internatu Richmond Park Schools institucija, na žiro račun internata (PU dom učenika i studenata „Globe“) uplaćuju 90 KM. U cijenu je uračunato



korištenje prostorija, slobodne aktivnosti (stoni tenis, odbojka, košarka...) i spavanje. Za više informacija o smještaju možete se obratiti na e-mail adis.sarajlic@rps.edu.ba.

- b. Učenici koji će kamp pratiti uživo, ali neće biti smješteni u internatu, uplaćuju 60 KM na žiro račun Globe d.o.o. U cijenu je uračunato korištenje prostorija za predavanja i testove i slobodne aktivnosti (stoni tenis, odbojka, košarka...).
- c. Učenici koji će kamp pratiti online uplaćuju 50 KM na žiro račun Globe d.o.o. U cijenu je uračunato korištenje pametne table preko koje će se izvoditi nastava na način da i učenici koji kamp pohađaju online mogu bez poteškoća pratiti nastavu.

Žiro račun Globe d.o.o. je: 1541602009935193 (Intesa Sanpaolo Banka BiH).

Napomena: Učenici koji su ostvarili popust na osnovu rezultata prethodnog kampa, plaćaju odgovarajući procenat u stavkama 10. i 11.

12. Za sve dodatne informacije i eventualna pitanja možete se obratiti na mail kampoviumks@gmail.com.

Detaljnije informacije za učenike i roditelje:

- 1. Učenici koji će biti smješteni u internatu mogu doći u prostorije kampusa na adresi Francuske revolucije bb 14.1. u periodu od 17-22 h, ili 15.1. do 8:30 h. Potrebno je da se jave portiru na ulazu u Internacionalni Burč univerzitet, koji će ih zatim uputiti do internata.
- 2. Tokom kampa će u funkciji biti kuhinja Richmond Park Schools, gdje učenici mogu jesti po povoljnim cijenama. Za više informacija o hrani u kuhinji možete se obratiti na mail college@rps.edu.ba. U vrijeme večere kuhinja neće raditi, ali se učenici koji su smješteni u internatu mogu hraniti u obližnjoj pekari ili eventualno naručiti hranu.
- 3. Svečano otvaranje kampa je predviđeno za 15.1. u 9h u amfiteatru Richmond Park Schools. Učenici najkasnije do 8:45 h trebaju doći u kampus Internacionalnog Burč univerziteta, nakon čega će ih portir uputiti u amfiteatar. Otvaranju kampa može prisustvovati i pratnja učenika.
- 4. Svečano zatvaranje kampa će se održati 20.1. u istom amfiteatru u 13:30. Zatvaranju kampa može prisustvovati i pratnja učenika.
- 5. Učenici 20.1. do 13:30 trebaju napustiti svoje sobe u internatu, kako bi se internat mogao pripremiti za naredne goste.